

# The Makuilongdi Express

Liangmai Daily Newspaper

“Mazibo niu ngamne”



Chairman & Managing director of Reliance Industries khatdi kadihipiriga lungwi thubo ruangga patachatbo ga bambo Indiamai piu Mukesh Ambani niu English Football Club Liverpool FC tu liura palam phiujiu bam mine.

Thaikum World Cup mathen rabo pating-pawan manah wangsubo kum Argentina Squad chamai 26 senpad mide. takum 35 mibo Lionel Messi niu Captain thiujiu paliu kadih leng paluan 5th piuleng World Cup mathen sune chiujiu dinne.



Zengtung 14 Matuingehiu 2022 Mennai Chiang PO Tamei ,Tml. Dist. Manipur Vol.01. Issue 32 page 1

Wadi manang tulo, chiudi palam hinaga thounbo jaojiu kakheng thiujiu naliu lunibo hina Tingwang khuga paokhaijiu bamlo. Pilipimai 4:6.

## Manipur District 6 ga Northeast Youth Skill Centres thusu khai raye: CM N Biren



IFP Bureau

**Mat. 13:** Chief Minister N Biren Singh niu dinjiu state ga Youth Skill Centre thiu sura lengzengniu funds hai pipad mide chiujiu dinne, haisi Imphal East, Imphal West, Churachanpur, Senapati, Ukhrul khatdi Chandel ga thusu raye chiujiu panu one-day workshop on Startup Manipur gu madui, Sangai Confrence hall, Hotel Imphal gasu dinne. Panu dinjiu tuhoi gu government niu n-pui-kapha nuisu rabo lamga ronna makjiu kaleki hinang gadi government service makdi chakam dousui kamjiu kikhun tu macha suibo leng taliu khaira machun bambo chamdi poupat khai mide. CM niu dinjiu Startup Scheme gasu chamai kakengniu chakam doujiu bam mide. Tadmibo takum gara haibo scheme leng crore 30 ronna ye chiudi thaikum khaisan jiu crore 100 khaijiu bamme chiujiu panu dinpad mide.

## Tacham lumai kasia mainiu Water Resources Department niu rangkang thin mazi makge chiujiu dinbo tu Water Resources Minister Awangbow Newmai niu suini makbo cham madu khai mide.



TSE. Imphal

**Mat. 13:** Water Resources Minister Awangbow Newmai niu ndanai pagu official residence, Lamphel ga tacham lumai khuga din jiu, tacham lumai khangsia mainiu Water Resources Department niu rangkang crore 42 hai Central Government niu Flood Management and Border Areas Programme

(FMBAP) leng kaipad mibo si patun-pakhai mazi makbo ga thinpiu jiu bamme chiujiu social media ga khaijiu bambo hai mazi makbo we chiujiu din mide. Panu dinjiu, yoh, Centre niu rangkang crore 460 hai FMBAP hangga su state leng pikiu bowe khatdi sise pakhai palam hai mazijiu... contd.in p2

## Himachal Pradesh gu Assembly election hai tathu-chara haji wiji loikiu khai mide.

AIR Kohima

**Mat. 13:** N-danai niu Himachal Pradesh gu assembly Election hai tathu-chara haji wiji loikiu khai mide chiujiu tacham ga dinne. Himachal Pradesh gu state hai member 68 bambo ga election khaibo hai 65.75% niu vote khai khai mide. Nson wanchak 8am gasu khaijiu chawan wanchak 5pm katang vote khai ye chiujiu dinne. Haibo State Assembly Election leng candidates chamai 412 niu contest kamjiu bam mide haibo ruangga maipui mai chamai 24 zou bamme chiujiu tachamga dinne. Vote hai Chakehiu zengtung 8th nai shiraye/paraye chiujiu dinne.

## Karingting Lunlung



shutterstock.com - 728707197

@@@Awangpiu! nang tingkhang sai ndengam kamra lo?

###Apiu, I ra tingkhang sai JCB driver thiu raboi.

@@@UMMM, kamsi-si anahra....

## ICC Men's T20 World Cup 2022 gu thiujiu England niu champions lu mide.



Melbourne 13 (IANS)

**Mat. 13:** Thaimien Australia kadihga T20 world Cup mathen bambo kaloibo mathen ga England nai Pakistan Melbourne Cricket Ground ga Nidnai mathen kiubo ga England niu Pakistan tu five-wicket gasu ngamkhai

jiu 2022 T20 World Cup Champions lu mide. Chamai 80,462 niu phuijiu bambo masuang ga mathen kiujiu bambo final mathen hai Pakistan niu batting raijiu kambo ga run 137/8 ga loikhai jiu England niu contd. in p2.

Kakheng thiubo muntai suangdi ka-nkhabo ben sinu masan diang nge.

**Editorial**

“Namai dunghai Rapiu gasu wangbo kalenne, paliu hai thoidam siakbo we”.Tingkum machang India gu thiujui Matuingeehiu 14 nai hai “CHILDREN DAY” chiujiu changee-gee jiu bamme. Haisi India gu raithubo Prime Minister Pandit Jawaharlal Nehru gu mana tingmik pui tu chakhuang thiukhai bowe palamra panu nahmai tu masen bo bamjiu khatdi namai niudi patu masenjiu lungkhai botu mathiuniu chakhuang thiukhai bowe. Namai hai pasai gu chiangdi thiura bowe chiujiu wasi mainiu dinbo kum, aliudi aliu zat tu maikumjiu pijiu wikhai khesai aliu namai tu achun khaijiu taliura pathou siak ge.Namai dunggu machun khatdi paliu luni aliu puipiu mai phuilujiu taliura bamme. Aliugu context ga mathiu tu patun khat ga param thiujui ariak ga ronna taliu we chiudi mathen boga maksai namai gu kamsi phui lujiu tam-tambo khaiga di kachu khaira pageng bamme.

**Tacham lumai kasia mainiu Water Resources Department niu rangkang thin....**

contd. from p1.

paphibang kasu bo work order pipat bo wan gasu patun-pakhai ga thinpiu khaijiu bam bowe chiujiu dinne.Paniu niu palung makbo cham dinjiu pachang siakbo palam si masan makjiu Water Resources Department tu maran pibo hai luni makge, tuhoi second instalment di lulan raleng government niu matan lanjui bambo we chiujiu din mide. Tuhoi haibo project hai kakeng Imphal East, Imphal West, Thoubal khatdi Kakching ga khaijiu jiu bamme chiujiu panu dinne. Haibo project hai tuhoi niu thinsu houjiu bamkha bowe, sinu mazi makjiu tacham mathiu tu zumou khai makra dinsan khai mide.



**Amur Falcon open painting competition**

*A children's day special*

**“Let the Amur Falcons live!”**

Organized by liangnah school, Tamei in collaboration with Rain forest club, Tamenglong & Liangmai nature club, Tamei.

Date: November 14, 2022  
 Time: 9:00-12:00 pm (painting)  
 Venue: Liangnah school.


**Prizes for Amur falcon open painting competition**

1. Two thousand five hundred only (Rs2500/-)
  2. One thousand five hundred only (Rs 1500/-)
  3. One thousand only (Rs 1000/-)
- & consolation prizes

**Eligibility criteria:**

- # School students from classes VI & above.
  - # Paper will be provided, students are expected to bring their own water colors and painting tools.
- ## +91-8729924177

**“The Makuilongdi Express” lamsu aliu Liangmai namai mathiu tu Children's Day 2022 wang dou lubo gu chunwibo cham poupad khaiye. Namai mathiu riga thoidam doujiu pasai Liangmai zatgu chiangdi thiujui disubo khatdi kawibo phungwangbo thiulo jiu kanui khai ye. “HAPPY CHILDREN'S DAY 2022”**



**ICC Men's T20 World Cup 2022 gu thiujui England niu...**

contd. from p1  
 situ hatang ra matanjuu jiu wicket 5 gasu ngamkhai mibo we.

Player of the match nai Player of the Tournament hai England maina Sam Curran niu dou mide.England leng thiujui thainai mien ngam lanbo sinu ICC Men's World Cup paluan nia leng thiujui papi lu-lu bowe chiujiu dinne.England niu ngamlu boga India gasu master blaster Sachin Tendulkar niudi chunwibo cham pou madu khaijiu bam mide sigau Virat Kohli niudi England team tu ICC Men's T20 World Cup ngamlubo tu “Congratulations England, Well deserve” chiujiu Instagram gasu raokhai mide.

**Tamenglong hq ga zeng 4 Rivival Crusade hai tadkiu khai mide.**

TT Tamenglong

**Mat. 13:** Tamenglong Mini Stadium ga zeng madai Rivival Crusade tadkiu bambo hai ndanai niu loikhai mide chiujiu dinne. Haibo crusade hai Teach Ministry, South East Asia, Tamenglong niu ndengjiu tadkiu bowe.Haibo Crusade gahai Anu Jacob, Indian Evangelist niu tacham dinpao thiukhai mide sigasu Jaojianlung nai Gairiulung Gangmei niu chalad hankhai mide chiujiu dinne.

**MATHEN CHAM**

